

Bosna i Hercegovina
Federacija Bosne i Hercegovine
Unsko-sanski kanton
OPĆINA VELIKA KLADUŠA

V O D I Č

za upis u registar poljoprivrednih
gospodarstava/gazdinstava (RPG) i
registar klijenata (RK)



Velika Kladuša, juli 2012. godine

ŠTA SU RPG I RK?

Registar poljoprivrednih gazdinstava/ gospodarstava (u daljnjem tekstu: RPG) i Registar klijenata (u daljnjem tekstu: RK) su definisani Pravilnikom o upisu Registar poljoprivrednih gazdinstava i Registar klijenata (Službene novine Federacije Bosne i Hercegovine, broj: 42/08).

Upisom u RPG evidentiraju se ljudski potencijali, zemljište i životinje, dok upis u RK omogućuje ostvarivanje novčanih podrški u poljoprivredi i ruralnom razvoju. Upis u registre je dobrovoljan, uz napomenu da samo registrirani korisnici imaju pravo podnositi zahtjeve za novčane podrške i druge oblike potpore u poljoprivredi.

CILJ UPISA JE

1. racionalnije, brže i kvalitetnije planiranje mjera nadležnih organa za pružanje potpore razvoju poljoprivrede i ruralnog razvoja;
2. osiguranje transparentnog utroška sredstava namijenjenih podršci u poljoprivredi i ruralnom razvoju;
3. postepeno usklađivanje sa zahtjevima Europske unije radi korištenja sredstava iz predpristupnih fondova namijenjenih BiH.

SVRHA UPISA U RPG je uspostaviti direktnu komunikaciju poljoprivrednika i državnih tijela, kako bi državna tijela što brže i racionalnije izrađivala kvalitetne nacрте mjera poljoprivredne politike.

ZA KOGA JE UPIS OBAVEZAN?

A) Za fizička lica koja:

1. Prodaju vlastite proizvode na tržištu: regionalnim fizičkim i pravnim osobama/licima, koja neposredno otkupljuju proizvode za preradu ili daljnju prodaju ili direktnom prodajom;
2. Podnose zahtjeve za novčane i druge oblike potpore u poljoprivredi;
3. Trebaju biti evidentirani u ostalim registrima iz Zakona o poljoprivredi;

B) Za pravna lica koja: su registrirana za obavljanje poljoprivredne djelatnosti pri nadležnom sudu (privredna/gospodarska društva, zadruge), te obrtnike registrirane za obavljanje poljoprivredne djelatnosti pri nadležnom organu u slučajevima kada:

1. Podnose zahtjeve za novčane i druge oblike potpore u poljoprivredi;
2. Trebaju biti evidentirani u ostalim registrima.

U **Registar klijenata** mogu se upisati pravna i fizička lica koja nisu upisana u Registar poljoprivrednih gazdinstava. To se odnosi na lica koja nemaju status poljoprivrednog gazdinstva (nemaju zemljište niti životinje), ali se bave poljoprivrednom proizvodnjom i ruralnim razvojem ili žele da ostvare pravo na novčane podrške.

GDJE SE OBAVLJA UPIS?

Upis se obavlja u Općinskoj službi nadležnoj za poslove u poljoprivredi prema:

1. **mjestu prebivališta** nositelja porodičnog poljoprivrednog gazdinstva ili drugog fizičkog lica, neovisno o mjestu obavljanja poljoprivredne djelatnosti;
2. **sjedištu** gospodarskog/privrednog društva, zadruge ili drugog pravnog lica i obrtnika neovisno o mjestu obavljanja poljoprivredne djelatnosti u BiH.

Nosilac poljoprivrednog gazdinstva može biti upisan u RPG kao nosilac samo jednog poljoprivrednog gazdinstva.

Punoljetni članovi istog domaćinstva koji žive i rade na porodičnom poljoprivrednom gazdinstvu mogu se upisati u RPG kao članovi porodičnog poljoprivrednog gazdinstva.

Nosilac PPG, odnosno član PPG ne može biti upisan kao nosilac, odnosno član drugog porodičnog poljoprivrednog gazdinstva.

POTREBNA DOKUMENTACIJA ZA UPIS U RPG/RK FIZIČKA LICA:

1. **Ovjerena fotokopija lične karte nosioca poljoprivrednog gazdinstva;**
2. **Ovjerena fotokopija ličnih karata članova poljoprivrednog gazdinstva, ako se upisuju;**
3. **Posjedovni list (izvadak zemljišta) na ime podnosioca zahtjeva; (original ili ovjerena fotokopija);**
4. **Ugovor o zakupu poljoprivrednog zemljišta ili ugovor o davanju zemljišta na korištenje bez naknade, uz ugovor treba priložiti posjedovni list na ime vlasnika (original ili ovjerena fotokopija);**
5. **Ovjerena fotokopija namjenskog tekućeg računa otvorenog u poslovnoj banci prema ličnom izboru.**

POTREBNA DOKUMENTACIJA ZA UPIS U RPG/RK PRAVNA LICA:

1. **Ovjerena fotokopija lične karte ovlaštenog lica za zastupanje;**
2. **Rješenje o registraciji pravnog lica (ovjerena fotokopija);**
3. **Potvrda obveznika PDV-a i ID broj (ovjerena fotokopija);**
4. **Posjedovni list (izvadak zemljišta) na ime podnosioca zahtjeva (original ili ovjerena fotokopija), samo za upis u RPG;**
5. **Ugovor o zakupu poljoprivrednog zemljišta ili ugovor o davanju zemljišta bez naknade (original ili ovjerena fotokopija), samo za upis u RPG;**
6. **Potvrda banke o otvorenom računu (original ili ovjerena fotokopija);**
7. **Karton deponovanih potpisa (original ili ovjerena fotokopija).**

Ako se utvrdi da zahtjev nije kompletan, podnosilac zahtjev se obavještava pisanim putem da u roku od **15 dana dopuni zahtjev**, a ukoliko to ne uradi neće se izvršiti upis u RPG. Upisom u RPG poljoprivrednom gazdinstvu se dodjeljuje jedinstven broj poljoprivrednog gazdinstva (BPG). BPG se ne mijenja i isti broj ne može dobiti drugo poljoprivredno gazdinstvo. Po izvršenom upisu u RPG, izdaje se potvrda. Podaci registara vode se u bazi podataka na elektronski način.

UPIS PROMJENA

IDIO

Sve promjene podataka prijavljujete podnošenjem zahtjeva za upis promjene podataka i dostavljanjem dokumentacije vezane za nastalu promjenu nadležnoj Općinskoj službi. Svi upisani u RPG, bez obzira da li je bilo promjena ili ne, svake godine u periodu od 1. januara do 31. marta dostavljaju nadležnom organu podatke o:

1. **Poljoprivrednim kulturama na poljoprivrednom zemljištu, a koje se odnose na trenutno stanje te planiranu sjetvu ili sadnju u tekućoj godini;**
2. **Trenutnom stanju te promjeni vrste i brojnog stanja stoke;**
3. **Promjeni zemljišnog posjeda i osnove korištenja poljoprivrednog zemljišta (katastarske veličine, kulture, vlasništva, zakupa i sl.).**

II DIO

Poljoprivredna gazdinstva dužna su **u roku 30 dana od dana nastanka promjene prijaviti:**

- 1. Promjenu nosioca PPG-a i nosioca obrta;**
- 2. Promjenu sjedišta, odnosno prebivališta nosioca PPG;**
- 3. Promjenu članova PPG-a.**

BRISANJE IZ REGISTARA

Podaci iz Registara se brišu:

- 1. Na zahtjev nosioca poljoprivrednog gazdinstva;**
- 2. Radi prodaje cjelokupnog zemljišta, odnosno prestanka ugovora o zakupu ili prestanka ugovora o davanju poljoprivrednog zemljišta na korištenje;**
- 3. Prestankom bavljenja poljoprivrednom proizvodnjom;**
- 4. Prestankom drugih uvjeta za upis u RPG i RK.**

Brisanje iz registara znači da je porodično poljoprivredno gazdinstvo blokirano, zbog čega ne može ostvariti prava koja bi imalo da je upisano u Registar. O brisanju iz RPG-a, nadležna Općinska služba izdaje potvrdu.

Služba za lokalni ekonomski razvoj i poduzetništvo

Hamdije Pozderca 3,
77230 Velika Kladuša

e-mail: ler@velikakladusa.gov.ba

www.velikakladusa.gov.ba

Telefon: 037 775-315, lokal 23

Fax: 037-775-272